



قلب ودليل

كلنا تيهين

والفايق فينا..

طريقه مليون متاهات..

مش عارف بتودي لفين!

ومختار يدخل أي متاهة..

بتودي لطريق السير المعروف..

طمعان إنه يشوف..

آخر مشواره..

لجل ما سيره ينتهى،،

بقيمة وذكرى سنين!

حب يجرب حظه..

فختار بقلبه متاهة..

وقال: الدنيا حظوظ..

وكانوا اثنين..

اتردد فاختر الثانية..

فاكتشف إن طريقها مسدود..

قال: والله اخترت الأولى..

بس قالولي تعالى معانا وكون مسنود..

الكل اختارها..

متكنش لقلبك معبود!

وبعد نزيف ندم جرى جواه..

بص لقلبه وقاله:

انت دليلي لو مختار..

هتعود بـك اختار

هنقبل سقطاتنا..

ونكمل تاني..

لحد ما نلاقى الحرية..

حياتنا قرارات

مليانه غلطات.

وبرده جواها حياه بهية.